

Arc Kev Cob Qhia

Cov Kev Pab Uas Kev Pab Them Nqi Kho Mob

Medical Assistance Nrog Them Rau



Kev Pab Them Nqi Kho Mob Medical Assistance yog dab tsi?

Medical Assistance yob ib txoj kev pab them nqi kho mob pub rau pej xeeb huab hwm. Nyob rau hauv Minnesota, nws hu ua Medical Assistance tiam sis lwm lub xeev hu ua Medicaid. Medical Assistance them rau ntau yam kev kho kab mob kev nkeeg. Nyob rau hauv Medical Assistance kuj muaj lwm cov kev pab uas muab kev ywj pheej thiab thaj yeeb rau txoj kev xaiv cov kev pab. Arc Kev Cob Qhia yuav piav ib txhia kev txhawb thiab kev pab uas Medical Assistance nquag them rau.

Cov yam kev pab uas Medical Assistance pab them rau yog cov twg?

Cov Kev Kho Kab Mob Kev Nkeeg: Medical Assistance them rau cov kev kho kab mob kev nkeeg uas cov lag luam muag kev pov hwm them rau—nqi kho mob, nqi tshuaj, nqi mus pw kho mob.

Kev Pab Kub Ceev: Muaj rau cov kab mob kev nkeeg thiab yam ntxwv. Cov kev pab kub ceev yog cov kev pab sai sai / kev txhawb rau tus neeg saib xyuas thiab/los yog kev tiv thaiv ib tug neeg muaj kev tsis taus.

Kev Kho Kom Ua Tau Dej Num: Kev kho kom ua tau dej num yog pab cov neeg xyaum ua cov dej num hauv lwm lub neej txhua txhia hnuab. Cov kev kho no yog pab kom txawj siv lub cev cov yas me los kev kho lub cev tsi mus qhia lub cev kom txawj siv cov yas cev loj. Kev kho kom ua tau dej num pab rau lub cev cov kev xav thiab.

Kev Pab Tu Neeg: Tus PCA yog ib tug neeg uas muab kev pab rau ib tug neeg muaj kev tsis taus nyob rau hauv nws lub tsev thiab lub zej zog. Cov kev ntsuas kom paub tias tsim nyog thiab paub qib yuav tau tu yuav tsum nyog tus Tuam Thawj Saib Xyuas Neeg Mob rau Pej Xeeb thiab muaj tus tuam thawj uas muaj ntau ntawv zees nrog soj xyuas. Cov kev pab yog rau txoj kev ua neeg hauv lub neej txhua hnuab—xws li kev noj kev haus, kev hnab khaub ncaws, kev mus tso zis tso quav, thiab tej yam li ntawd.

Kev Kho Lub Cev: Kev Kho Lub Cev pab kom txawj txav thiab siv, txo cov mob kom tsawj thiab rov siv tau lub cev tus kheej.

Tuam Thawj Xyuas Neeg Mob Rau Tus Kheej: Cov kev kho kab mob kev nkeeg uas tsim nyog nyob rau hauv tus neeg lub tsev.

Pab Kev Hais Lus: Pab rau kev hais lus yog soj ntsuam thiab kho cov kev mob ua rau hais tsis tau lus, tsis paub siv lus, kev paub tab thiab kev nqos.

Medical Assistance lwm cov kev pab uas muaj kev ywj pheej yog cov twg?

Nyiaj Txhawb Tsev Neeg: Muaj rau cov neeg tsis tau nto 18 xyoo rov los. Nws muab cov kev pab thiab kev txhawb kom tiv thaiv txoj kev tshem tawm tsev los yog tshem tawm tsev lig.

Nyiaj Txhawb Cov Sab Nraud: Qhov nyiaj no muab cov kev txhawb thiab kev pab kom tiv thaiv los yog tsis txhob tshem tawm tsev lig. Qhov nyiaj no yog pab rau cov neeg uas xav tau kev pab txhawb ntxiv tab sis tsis muaj chaw txaus.

Kev Pab Txhawb Kev Puas Ib Ce DD (Developmental Disabilities [Yav dhau los hu ua MR/RC Mental Retardation (Puas Hlwb) – Cov Hom Mob Zoo Sib Xws Li]): Siv cov nyiaj them rau cov kev pab nyob rau hauv tsev thiab hauv zej zog tsis yog cov kev pab hauv tej lub chaw tu neeg twg (ICF-MR care).

Kev Pab Txhawb Kev Raug Hlwb TBI (Traumatic Brain Injury): Siv cov nyiaj them rau cov kev pab nyob rau hauv tsev thiab hauv zej zog rau cov neeg tsis tau nto hnuab nyooog 65 xyoos uas raug hlwb puas loj heev thiab puas kuj pwm nrog thiab yuav tsum muaj kev tu xyuas zoo hauv lub chaw tu neeg los yog lub tuam tsev kho hlwb.

Lwm Cov Kev Txhawb Hauv Zej Zog rau Cov Neeg Tsis Taus CADI (Community Alternatives for Disabled Individuals): Siv cov nyiaj them rau cov kev pab nyob rau hauv tsev thiab hauv zej zog rau cov neeg muaj mob mus ntev kho tsis zoo uas tsis tau nto hnuab nyooog 65 xyoos uas yuav tsum muaj kev tu xyuas zoo hauv lub chaw tu neeg.

Lwm Txoj Kev Txhawb Hauv Zej Zog CAC (Community Alternative Care): Siv cov nyiaj them rau cov kev pab nyob rau hauv tsev thiab hauv zej zog rau cov neeg muaj mob ntev kho tsis zoo uas tsis tau nto hnuab nyooog 65 xyoos uas yuav tsum tau mus kho ib ntus hauv tuam tsev kho mob.

Kev Txhawb Rau Cov Laus EW (Elderly Waiver): Siv cov nyiaj them rau cov kev pab nyob rau hauv tsev thiab hauv zej zog rau cov neeg laus dua 65 xyoos uas tau kev pab them nqi kho mob Medical Assistance thiab yuav tsum muaj kev tu xyuas hauv lub tsev tu neeg.

Xav paub ntxiv los yog kev pab tawm tsam tswv yim, hu rau Arc Hauv Ob Lub Nroog Ntxaib ntawm 952-920-0855 los yog txuas mus xyuas www.arcgreatertwincities.org.

Tsab ntawv no tsis yog tswv yim raws kev cai lij choj thiab yuav tsum tsis txhob muab siv li ntawd. Yog li, siv tsis tau cov ncauj lus no los hloov tus kws lij choj cov tswv yim. Hu tau Minnesota Lub Chaw Tswj Kev Cai Tsis Taus tus xov tooj rau npe ntawm (612) 334-5970.